

**Kasimova
Saitjanovnaning
DARAJALAR BERUVCHI PhD**

**Nodira
ILMIY**

E'LON

2023-YIL 20-SENTABR KUNI O'ZBEKISTON DAVLAT SAN'AT

VA MADANIYAT INSTITUTI HUZURIDAGI ILMIY

DARAJALAR BERUVCHI PhD.08/28.08.2020.SAN.121.01 RAQAMLI

ILMIY KENGASH MAJLISI BO'LIB O'TADI

KUN TARTIBI:

Kasimova Nodira Saitjanovnaning 17.00.03 – Kino san'ati. Televideniye. San'atshunoslik ixtisosligi bo'yicha falsafa doktori (PhD) ilmiy darajasini olish uchun yozilgan "O'zbekistonda qisqa metrajli badiiy kinoning rivojlanishidagi o'ziga xos xususiyatlar" mavzusidagi dissertatsiyasi muhokamasi bo'lib o'tadi.

Majlis O'zbekiston davlat san'at va madaniyat instituti "A" binosi,

2-qavat, majlislar zalida 12.30 da boshlanadi.

016. Н.Касимовнинг Химоя эълони

Dissertatsiya qo'lyozmasi bilan O'zDSMI Axborot-resurs markazida tanishish mumkin.

O'zDSMIda navbatdan tashqari Ilmiy Kengash bo'lib o'tdi

O'zDSMIda navbatdan tashqari ilmiy Kengash bo'lib o'tdi


Bugun O'zbekiston davlat san'at va madaniyat institutida rektor v.b. Eldor Shermanov boshchiligida institutning navbatdan tashqari ilmiy kengashi bo'lib o'tdi. Unda barcha prorektorlar, dekanlar, bo'lim boshliqlari va kafedra mudirlari ishtirok etishdi.

Dastlab oxirgi yillarda institutning rivojlanib borayotgan xalqaro aloqalariga, O'zbekiston madaniyati va san'atini dunyoga tanitishga ulkan hissa qo'shib kelayotgan xorijiy hamkorlarga institutning faxriy professori unvonini berish masalasi ko'rib chiqildi. Kengash a'zolari tomonidan O'zbekistondagi Haydar Aliyev nomidagi madaniyat markazi direktori Samir Abbasov, Qozon davlat madaniyat instituti rektori Ahmadiyeva Roza Shayxaydarovna va Ozarbayjon milliy maqom markazi direktori Sahib Pashshazodalarga O'zbekiston davlat san'at va madaniyat institutining faxriy professori unvonini berish bir ovozdan ma'qullandi.

Shuningdek, kengashda ijro intizomi, xalqaro shartnomalar bo'yicha biriktirilgan kafedralar tomonidan olib borilayotagan ishlar samaradorligi, 1-6-oktabr kunlari xorijdan tashrif buyurishi kutilayotgan mehmonlarni kutib olish bilan bog'liq chora-tadbirlar, ijara xonadonlari va talabalar turar joyi bo'yicha amalga oshirilayotgan ishlar va boshqa muhim masalalarga birma-bir to'xtalinib, mas'ullar axboroti

eshitildi.

Bundan tashqari, kengashda tashkiliy masala ham ko'rib institut magistratura bo'limi boshlig'i lavozimiga psixologiya fanlari bo'yicha falsafa doktori (Phd), dotsent Mahmudov A'zamjon Muxtorovich tayinlanib, uning faoliyatiga omad tilandi.





0‘zDSMI o‘quv teatrida «Shahzoda va gado» nomli bir aktyor teatri spektakli namoyish etildi

Bugun O‘zbekiston davlat san‘at va madaniyat instituti o‘quv teatrida «Sahna harakati va jismoniy madaniyat» kafedrası qoshida tashkil etilgan «Bir aktyor teatri» teatr studiyasi rahbari, mustaqil tadqiqotchi Rahimjon Do‘sanov rejissyorligida Mark Tven asari asosida sahnalashtirilgan «Shahzoda va gado» nomli bir aktyor ijrosidagi spektakl namoyishi bo‘lib o‘tdi.

«Estrada aktyorligi» ta‘lim yo‘nalishi 4-bosqich talabasi Dilhayot Malikov ijrosidagi mazkur spektakl tashrif buyurgan tomoshabinlarga manzur bo‘ldi.

«Shahzoda va gado» asarida ijodkor Angliyada Tom va Eduard singari bolalarning beg‘ubor nigohi, sofdil qalbi orqali adolat qidiradi. Mark Tven hayotga doimo bola qalbi bilan

qarab, adolatga bolalarcha beg'uborlik bilan yechim topishga intildi.

Eslatib o'tamiz, avvalroq mazkur sahna asari O'zbekiston davlat satira teatrida ham namoyish etilgandi.





Koreyadagi universitet bilan manfaatli hamkorlik

Bugun O'zbekiston davlat san'at va madaniyat institutiga Janubiy Koreyaning Sejong universiteti vakillari tashrif buyurdi.


Uchrashuv davomida o'zaro hamkorlik, professor-o'qituvchilar va talabalar almashinuvi dasturlarini qo'lga qo'yish masalalari muhokama qilindi.


«Oliygohimizda san'at sohasining barcha tarmoqlari bo'yicha mutaxassislarni tayyorlaydigan yo'nalishlar maqjud. Boy tarixga ega institutimizni yetuk san'atkorlar tamomlagan.»

Biz milliylik bilan bir qatorda, xorijiy tajribalarni o'rganishga qattiq bel bog'laganmiz. Shu bois, o'zaro hamkorlik qilishdan manfaaddormiz. O'ylaymanki, ushbu hamkorlik ikkala tomon uchun ham manfaatli bo'ladi. Biz qog'ozda qolib ketadigan emas, amaliy hamkorlik tarafdorimiz», dedi institut rektori v.b. Eldor Shermanov.

Shuningdek, kelgusida ikki oliygoh o'rtasida animatsiya san'atiga oid qo'shma yo'nalish ochish masalasi muhokama qilindi.

Uchrashuv so'ngida oliy ta'lim muassasalari o'rtasida memorandum imzolash bo'yicha kelishuvga erishildi.







0‘zDSMIda «Farengeyt bo‘yicha 451 daraja» spektakli namoyish etildi

Bugun O‘zbekiston davlat san‘at va madaniyat institutining o‘quv teatri binosida professor Temur Rashidov badiiy rahbarligidagi Teatr san‘ati fakulteti «Estrada aktyorligi san‘ati» ta‘lim yo‘nalishi 3-bosqich talabalari tomonidan buyuk yozuvchi Rey Bredberining “FARENGEYT BO‘YICHA 451 DARAJA” asari asosida sahnalashtirilgan spektaklning navbatdagi namoyishi bo‘lib o‘tdi.

Kitobxonlikka muhabbat va bilim muqaddasligi timsoliga aylangan mazkur spektaklda sayyoramiz aholisi uchun umumiy bo‘lgan muammolar – ommaviy madaniyat, jaholat va man‘aviyatsizlik qoralanadi.

Sahna asari tomoshabinlar tomonidan yuqori baholanib, ularning olqishiga sazovor bo‘ldi.








Xalqona ijod namunalari yaratish ularning e'tirofiga sazovor bo'lish manbaidir

Bugun O'zbekiston davlat san'at va madaniyat instituti rektori v.b. Eldor Shermanov Xalq ijodiyoti fakultetining birinchi bosqich talabalari bilan tanishuv uchrashuvi o'tkazdi.

Ochiq muloqot tarzida o'tgan davra suhbatida oliygoh faoliyati, yoshlarga yaratilayotgan imkoniyatlar, ta'lim muassasining ichki tartib-qoidalarini to'g'risida batafsil ma'lumot berildi.

Shuningdek, Eldor Shermanov prodyusserlik sohasini e'tirof etib, film va seriallar tashkil etilishi hamda targ'ibotida ularning o'rni benihoya ekanligini ta'kidladi.







Kelajagi porloq yoshlar uchun to'g'ri yo'l ko'rsatish – ezgu vazifa

Bugun O'zbekiston davlat san'at va madaniyat instituti rektori v.b. Eldor Shermanov Kino, televideniye va radio san'ati hamda Kutubxona-axborot faoliyati fakultetlarining birinchi bosqich talabalari bilan tanishuv uchrashuvi o'tkazdi.



Ochiq muloqot tarzida o'tgan davra suhbatida oliygoh faoliyati, yoshlarga yaratilayotgan imkoniyatlar, ta'lim

muassasining ichki tartib-qoidalarini to'g'risida batafsil ma'lumot berildi.



«Bizning oliygoh o'z maqsadi, yo'nalishlari va vazifalari bo'yicha Markaziy Osiyoda yagona hisoblanadi. Institutimizni tanlab adashmagansiz. Chunki o'zingiz istagan soha vakili bo'lishni istab kelmagansiz. Bu yerda shunchaki o'qish kerak emas, balki zo'rlarning zo'ri bo'lish uchun harakat qilish darkor. Institutimizda ko'plab el suygan san'atkorlar tahsil olgan. O'ylaymanki, yillar o'tgach, ular safida sizlarning ismingiz ham tilga olinadi. Sizdan faqat bilim olish va intilish talab etiladi. Biz bu borada ko'mak berishga tayyormiz», dedi institut rektori v.b. Eldor Shermanov.



Rahbariyat tomonidan bugungi kunda o'zbek filmlari va seriallaridagi muammolar tanqid qilinib, bunga Kino, televideniye va radio san'ati yechim topa olishiga ishonishi bildirdi.

«Bugungi film va seriallar maishiy mavzularga o'ralashib

qolganidan barchangiz xabardorsiz. Muammolarni ayta bilish ham darkor. Bu borada chuqur bilimga kinotanqidchilarni yetishishtirishga harakat qilamiz. Film deymizmi, serialmi, uning yaralish jarayonida ishtirok etadigan barcha ijodkorlar bizning oliygohdan yetishib chiqadi. Agar hozirda chuqur bilim egasi bo'lib, birdamlikka erishsangiz, kelgusida yana elga manzur bo'ladigan asarlar yaratilishiga shak-shubha yo'q», deya qo'shimcha qildi rektor v.b.



Shuningdek, Eldor Shermanov yetuk soha vakili bo'lish uchun kitob mutolaasi nihoyatda ulkan ahamiyat kasb etishini aytib o'tdi. Shu bois, oliygohda har oy kitobxonlik tanlovlari o'tkazilishi ma'lum qilindi.



«Barchamiz oynai jahonda havas bilan tomosha qiladigan «Yosh kitobxon» tanlovi g'oliblari Kutubxona-axborot faoliyati fakulteti talabalari bo'lishi lozim. Sizlarning asosiy vazifangiz shu. G'oliblar qatoridan o'rin olsangiz, nafaqat oilangiz, balki biz ham o'zimizda faxr tuyg'usini his qilamiz», dedi Eldor Shermanov.



O'zDSMIda Bahrullo Lutfullayev ijodiy xonasi ochildi

O'zbekiston davlat san'at va madaniyat institutida O'zbekistonda xizmat ko'rsatgan artist, O'zbekiston Respublikasi san'at arbobi Bahrullo Lutfullayev tavalludining 75 yilligi munosabati bilan oliygoh rahbariyati tomonidan ustoz san'atkor xotirasi yod etildi.

Ta'lim muassasasida uzoq yil fidoyi mehnat qilib, o'zidan o'lmas asarlar qoldirgan hamda ko'plab shogirdlar yetishtirgan Bahrullo Lutfullayevning ijodiy xonasi ochildi. Marosimda institut rahbariyati, ustoz san'atkorning oila a'zolari,

shogirdlari hamda «Vokal» kafedrası o'qituvchilari ishtirok etdi.



«Bahrullo Lutfullayev har tomonlama yetuk inson edi. Ustoz nafaqat san'at sohasida, balki insoniylik jihatdan o'rnak bo'lishga arzigulik inson edi. Ustozni chin ma'noda bilim bulog'i, deyishimiz mumkin. U kishining o'lmas asarlari kelajak avlod uchun ulkan meros bo'lib qoladi», dedi institut rektori v.b. Eldor Shermanov.



Shuningdek, kelgusida Bahrullo Lufullayev xotira kechasi tashkil etilishi ta'kidlandi. Tadbir davomida Bahrullo Lufullayev to'g'risida xotiralar aytib o'tildi hamda ustoz san'atkor shogirdlari tomonidan go'zal qo'shiqlar kuylandi.



Ma'lumot uchun, Bahrullo Lutfullayev 1948-yilning 5-sentyabr kuni Jizzax viloyatining Forish tumanida tug'ilgan. U 1972-yilda Toshkent davlat konservatoriyasi xor dirijyorligi, 1987-yilda bastakorlik ixtisosliklari bo'yicha tamomlagan. 2003-yildan O'zbekiston davlat san'at va madaniyat institutida faoliyatini boshlagan. Bir necha yillar davomida O'zbekiston radiosi musiqiy eshittirishlar bo'limi bosh muharriri, "O'zbekiston milliy teleradio kompaniyasida" musiqa studiyasining bosh muharriri lavozimida faoliyat yuritgan.



Kompozitorning "Samarqand ushshog'i", "Yor istab", "Hazilkash shoh", "Mangu mash'al" kabi musiqali dramalari, solist va xor uchun "Hur O'zbekiston", "Toshkentim bor" syuitalari, "Ona" poemasi, "Firoq" xor turkumi va boshqa bir qator asari ijodining yorqin namunalaridan hisoblanadi. Kompozitorning musiqali dramalari Muqimiy nomidagi "O'zbek davlat musiqali drama teatri" repertuaridan keng o'rin olgan.



1999-yilda “Mehnat shuhrati” ordeni bilan, 2001-yilda “Qoraqalpog‘istonda xizmat ko‘rsatgan artist” unvoni bilan taqdirlangan. 2008-yilda “O‘zbekiston Respublikasi san’at arbobi” faxriy unvonini olgan. 2020-yil «Madaniyat va san’at fidokori» ko‘krak nishoni bilan taqdirlangan. 2023-yil vafot etgan.